



საქართველო
პრეზიდენტის მინისტრის მთავრობის

დ ა დ გ ი ნ ი ლ ე ბ ი ს № 15

2020 წლის 29 დეკემბერი ქ. ბათუმი

„საჯარო სამართლის იურიდიული პირის - აჭარის კულტურული მემკვიდრეობის დაცვის სააგენტოს დაფუძნებისა და დებულების დამტკიცების შესახებ“ აჭარის ავტონომიური რესპუბლიკის მთავრობის 2010 წლის 16 ნოემბრის №46 დადგენილებაში ცვლილების შეტანის თაობაზე

„აჭარის ავტონომიური რესპუბლიკის ნორმატიული აქტების შესახებ“ აჭარის ავტონომიური რესპუბლიკის კანონის მე-20 მუხლისა და „აჭარის ავტონომიური რესპუბლიკის მთავრობის სტრუქტურის, უფლებამოსილებისა და საქმიანობის წესის შესახებ“ აჭარის ავტონომიური რესპუბლიკის კანონის მე-7 მუხლის შესაბამისად,

1. შეტანილ იქნეს ცვლილება „საჯარო სამართლის იურიდიული პირის - აჭარის კულტურული მემკვიდრეობის დაცვის სააგენტოს დაფუძნებისა და დებულების დამტკიცების შესახებ“ აჭარის ავტონომიური რესპუბლიკის მთავრობის 2010 წლის 16 ნოემბრის №46 დადგენილებაში (სსმ, ვებგვერდი, N154, 25/11/2010, სარეგისტრაციო კოდი: 040030000.32.057.016003) და დადგენილებით დამტკიცებული დებულების:

ა) მე-6 მუხლის პირველი პუნქტი ჩამოყალიბდეს შემდეგი რედაქციით:

„1. სააგენტოს სტრუქტურული ერთეულებია:

- ა) ადმინისტრაციული განყოფილება;
- ბ) დაგეგმარებისა და ნებართვების განყოფილება;
- გ) მონიტორინგისა და ზედამხედველობის განყოფილება;
- დ) არქეოლოგიურ-არქიტექტურული კომპლექსების, არქეოლოგიისა და საგანმანათლებლო განყოფილება, რომელიც მოიცავს აჭარის კულტურული მემკვიდრეობის დაცვის სააგენტოს სამეცნიერო-კვლევით ცენტრს;
- ე) სამეურნეო და ტექნიკური უზრუნველყოფის განყოფილება.“;

- ბ) მე-6 მუხლის მე-2 პუნქტის „თ“ და „ი“ ქვეპუნქტები ამოღებულ იქნეს;
- გ) მე-6 მუხლის მე-5 პუნქტის „რ“ და „ს“ ქვეპუნქტები ჩამოყალიბდეს შემდეგი რედაქციით:
- „რ) უზრუნველყოფს აჭარის ავტონომიური რესპუბლიკის ტერიტორიაზე არსებული არამატერიალური კულტურული მემკვიდრეობის გამოვლენასა და აღწერას, ახდენს იდენტიფიკაციას, დოკუმენტურ (აუდიო, ვიდეო, წერილობით) ფიქსაციას, შენახვასა და დაცვას;
- ს) ამზადებს საქართველოს კულტურული მემკვიდრეობის დაცვის ეროვნულ სააგენტოში წარსადგენად არამატერიალური კულტურული მემკვიდრეობის ძეგლის სააღრიცხვო ბარათს;“;
- დ) მე-6 მუხლის მე-5 პუნქტს დაემატოს შემდეგი შინაარსის „ტ-ყ“ ქვეპუნქტები:
- „ტ) ახდენს არამატერიალური კულტურული მემკვიდრეობის ძეგლების პოპულარიზაციას და ამ გზით ხელს უწყობს კულტურათა მრავალფეროვნების შენარჩუნებას;
- უ) ატარებს კულტურული მემკვიდრეობის ძეგლების სარესტავრაციო სამუშაოებს;
- ფ) აწარმოებს კულტურული მემკვიდრეობის ძეგლების რესტავრაციის პროცესში სრულ ფოტო და ტექსტურ დოკუმენტაციას, განსაზღვრავს რესტავრაციის შემდეგ კულტურული მემკვიდრეობის ძეგლის განთავსების ოპტიმალურ პირობებს;
- ქ) ხელს უწყობს რესტავრაციის სფეროში ახალი მეთოდიკისა და ტექნოლოგიების დანერგვას;
- ღ) თანამშრომლობს რესტავრაციის სფეროში მოქმედ ადგილობრივ და საერთაშორისო საგანმანათლებლო და სამეცნიერო ორგანიზაციებთან;
- ყ) ახორციელებს ხელმძღვანელის მითითების საფუძველზე წინამდებარე დებულებით განსაზღვრულ სხვა უფლებამოსილებებს.“;
- ე) მე-6 მუხლის მე-6 პუნქტი ამოღებულ იქნეს;
- ვ) მე-6 მუხლს დაემატოს შემდეგი შინაარსის მე-7 პუნქტი:
- „7. სამეურნეო და ტექნიკური უზრუნველყოფის განყოფილება თავისი კომპეტენციის ფარგლებში:

- ა) ქმნის, აღწერს და ანაწილებს მატერიალურ-ტექნიკურ მარაგებს და წარმართავს სასაწყობო მეურნეობას;

ბ) უზრუნველყოფს მფლობელობაში არსებული ინვენტარის მოვლა-შენახვას;

გ) აღრიცხავს სარგებლობაში არსებულ ძირითად საშუალებებს, ინვენტარს;

დ) ახორციელებს მატერიალურ ფასეულობათა მიზნობრივი დანიშნულებით გამოყენებაზე კონტროლს;

ე) ახდენს სააგენტოს მფლობელობაში არსებული კულტურული მემკვიდრეობის ძეგლების ცენტრალიზებული მომარაგების ორგანიზებას;

ვ) უზრუნველყოფს სააგენტოს მფლობელობაში არსებულ შენობებში სახანძრო უსაფრთხოების დადგენილი ნორმებისა და სტანდარტების დაცვას;

ზ) უზრუნველყოფს სააგენტოს მფლობელობაში არსებულ შენობებში სანიტარული ნორმების დაცვას;

ი) ახორციელებს კანონმდებლობით გათვალისწინებულ სხვა უფლებამოსილებებს.“

2. დადგენილება ამოქმედდეს 2021 წლის 1 იანვრიდან.

